

飯山遺稿

6
366

0 1 2 3 4 5 6 7 8 9 10 11 12 13 14 15

始



6-366

飯山遺稿目錄

春夜遊花寺

花時遊櫻祠

遊芳山

屋角

偶成

江邊

香字卷賦似主人

讀星巖翁謾言

贈明石柏木某用蛻晶翁舊韵

目一

大正
8. 8. 9
内交

平薩州墓 在明石

讀漢史

姬路羽田有一來訪延飲陽智精舍酒
間分李童山一聯爲韻得聲字

題畫

寄懷岡漫郎

哭松本奎堂

加賀宮本生來訪請留受業余以蕃律
辭悵然而去詩以贈之

秋夜遊龍勝寺

秋江晚眺

夜坐

雜題

春暖

感懷

若江謁木村長州墓

戲贈漫郎

自題文存 二首

小鷹狩

題畫

醉後放言

失題

失題

飯山遺稿目錄畢

飯山遺稿

肥前松林漸伯鴻著

春夜遊花寺

敲斷木魚聲。招提春夜靜。梵音花外來。月照歸僧影。

花時遊櫻祠

一堤紅雪映晴川。水面無舟不管絃。花氣蒸春人似醉。江南又是賣餠天。

遊芳山

南朝如夢向誰尋。古寺春風夕日沈。千載

空成五雲色。延元陵上落花深。

屋角

積雪壓貧厨。日高煙始起。屋角有梅花。精神寒不死。

偶成

只仰蔬羹與菜菹。貧家平日食無魚。夜來
小雨新菘活。潤透秋畦一寸餘。
自家漫道長經綸。滿復文章不救貧。說與
山妻休訴苦。一生多奉配才人。

江邊

江邊足夜涼。天淨纖雲沒。蘋末起微風。吹
皺波面月。

香字菴賦似主人

避喧兼避暑。留住九旬餘。池潤竹風度。庭
荒蘿月虛。寓居無俗務。適意似吾廬。涉獵
行將遍。牙籤滿架書。

讀星巖翁謾言

白首傷時去上天。疾痕留得舊詩篇。秋風
滿地腥羶氣。不到先生墓道邊。

贈明石柏木某用蛭崑翁舊韵

海山美處是君居。坐對煙霞校魯魚。領取
人生閑富貴。好風景又好圖書。

平薩州墓 在明石

鐵衣猶咏宿花詞。壯士風流舉世知。埋骨
應無千古憾。墓田近接柿仙祠。

讀漢史

漢高鑄榆莢。物價忽騰然。不如亾秦世。猶
行半兩錢。

姬路羽田省。一來訪延飲。陽智精舍
酒間分李童。山一聯爲韻得聲字。

滿目虜塵惡。相逢尋舊盟。竹深疎雨響。寺
古暮寒生。吾輩猶耽酒。人心欲用兵。醉看
腰下劍。一座動秋聲。

題畫

禪房隔小溪。日暮無人步。一磬打寒聲。滿
山皆落葉。

寄懷岡漫郎

屋梁落月夢相牽。一別東西路杳然。身世
浮沈都有命。音書往復動經年。春山行樂
花粘屐。夜水嬌歌酒滿船。同醉江南曾幾

日。燈痕眉影薄如煙。

哭松木奎堂

十歲江湖客。勤王不惜軀。死當爲義士。
生耻作迂儒。推我稱知己。如君是丈夫。半
宵來入夢。戰血尚模糊。

加賀宮木生來訪請留受業余以著

律辭悵然而去詩以贈之

篋底絲桐獨自珍。蕭然牢卧海四濱。半世
始遇真知己。萬里新添一故人。流水高山
從汝賞。幽音變調是吾神。無由移宅長相

近。松石之間共卜鄰。

秋夜遊龍勝寺

聽徹蟲聲夜亦長。山風吹月入僧房。滿庭
秋色無人管。與佛平分一味涼。

秋江晚眺

空江葉落雁聲飛。隔岸人家三兩扉。無限
夕陽秋色裡。白蘋滿棹老漁歸。

夜坐

急雪鳴疎竹。書燈背臂青。夜深寒入骨。爐
火小於星。

雜題

晚間尋古寺。秋色更蕭騷。葉落霜林瘦。斜陽一塔高。

春暖

睡魔驅復來。午窓春意暖。待兒進嫩茶。香泛青磁盃。

感懷

霜風吹落葉。壯士夜銷魂。湯藥身多病。功名志尚存。青雲無道路。白日易黃昏。豈曰吾衣薄。孤燈亦主恩。

若江謁木村長州墓

萬馬東來下九天。豈家事業化為煙。傾城哲婦真長古。徇國忠臣最少年。非是當時心貫日。爭令後世淚如泉。英魂寂寞歸何處。一片殘碑落照前。

戲贈漫郎

凍月窺窓夜亦闌。冰衾鐵被欲眠難。憶君錦帳蘭燈底。一片梨雲夢不寒。

自題文存

經綸豈有古人才。雜著年年積作堆。不忍

雲烟同散滅。鑄刻多少血肝來。
紛紛毀譽亂如麻。不是諛辭即妬辭。磨得
一奩方寸鏡。自家妍醜自家知。

小鷹狩

草枯平野雁聲高。鷹眼如星欲脫條。一路
胡枝花上露。秋風亂點白綾袍。

題畫

茅屋枕清溪。其傍多古木。黃昏不鎖門。時
有山雲宿。

醉後放言

滿腹文氣躍不已。得酒咄嗟吐盈紙。鼻端
出火筆生風。倚馬草檄差可擬。自你自誦
還自誇。筆力縱橫世無比。快利何啻切玉
刀。渾浩真似注海水。此時醉膽大如天。睥
睨他人同蟲蟻。曰狂曰妄任彼呼。我信吾
心而已矣。朝廷若置取才科。立談唾手拖
青紫。如何低首伍巫醫。空抱毛穎至先死。
有客啞然笑絕纓。汝爲大言不自耻。臯夔
稷契讀何書。文章畢竟雕蟲技。

失題

有及欲傳仇家腹。有口欲啗仇家肉。要結
義盟。鬼神丈夫眼中淚。萬斛銀燭春暖
醉青樓。絲肉聲喧酒如油。象中含笑向隅
哭。三年身跡寄風流。誰知傍柳眠花日。即
是卧薪嘗膽秋。深夜斫入老狐穴。北風齧
發尖於鐵。老狐醉卧不曾知。逃走無路就
剪滅。血痕沁雪雪皆紅。劍氣衝雲雲亦裂
手提狐首仰蒼天。寒月分明照義烈。何物
小儒昧大倫。妄稱忠臣做亂臣。人臣公論
久乃定。義名烜赫滿乾坤。吾嘗東遊到赤
穗。經公舊宅揮雙淚。滿眼春草長春風。瓦
片飛花猶委地。臨池一株遺愛櫻。花開花
落百餘年。嗚呼公之眉宇在吾前。公神定
在櫻花邊。

失題

簞紋如水絕纖塵。退食歸來與枕親。一卧
風窓涼味足。難分世上附炎人。

飯山遺稿

畢

6
366

右飯山遺稿一冊
以謄寫故換筆一寫
御愛顧之請彦ノハ
拜呈仕候
松雲堂
野田文之助
大正八年八月

大正八年八月十日印刷
大正八年八月十五日發行
東京市神田區小石町三丁目
野田文之助
印刷者 東京市本郷區尾花町三八
大正八年八月十日印刷

終

